

ZAPISNIK

Sa VIII proširene sjednice Upravnog odbora Udruženja poslodavaca FBiH, održane dana 11.12.2012. godine, sa početkom u 11:00 sati u prostorijama Coca-Cola HBC B-H d.o.o. Sarajevo (Mostarsko raskršće bb) u Hadžićima.

Sjednici su prisustvovali: gđin. Safudin Čengić, gđin. Željko Marjanović (umjesto Stipe Prlića), gđa. Edita Mulić, gđin. Haris Muslić, gđin. Šaban Rizvić, gđin. Rasim Salčinović, gđin. Josip Vukadin, gđin. Ermin Čengić (umjesto Midhata Terzića) gđin. Esnef Memić (umjesto Hameda Šivšića) i gđin. Haris Kuskunović.

Sjednici nisu prisustvovali: gđin. Vejsil Huremović, gđin. Anto Suton, gđin. Suhad Ećo, gđin. Miljenko Čolak i gđin. Predrag Čović, koji su opravdali svoj izostanak.

Sjednici su prisustvovali članovi delegacije ESV-a koji nisu članovi UO, članovi UO UPKS, te članice UPFBiH sa područja Sarajevskog Kantona.

Sjednici su prisustvovali po dužnosti: gđin. Mladen Pandurević i Mersiha Jusić.

Uvodnu riječ dobrodošlice prisutnim uputio je predsjednik U.O. gđin. Sefudin Čengić, te zahvalio se zahvalio kompaniji Coca-Cola i njihovom direktoru na današnjem gostoprimstvu te

Dobrodošlicu je također zaželio i gđin. Marcea Draja, direktor Coca Cola kompanije i istakao da je Udruženje poslodavaca za njega veoma značajno tijelo koje omogućava konekciju između predstavnika privrednika i predstavnika Vlasti. Tom prilikom je istakao da je jako važno da se i dalje nastavi postojeći dijalog te da se aktivno radi na njegovom unaprjeđenju. Također je istakao da će UPFBiH i dalje imati podršku Coca-Cole te da će i dalje biti aktivno uključeni u rad UPFBiH a sve u cilju jačanja socijalnog dijaloga.

Nakon obraćanja gđina Marcea Draje predsjednik UO je predložio sljedeći:

DNEVNI RED

1. Usvajanje zapisnika sa VII proširene sjednice Upravnog odbora UPFBiH;
2. Informacija o pregovorima Zakona o radu;
3. Razmatranje materijala za 92-16. sjednicu ESV-a;
 - a) Nacrt zakona o izmjenama i dopunama Zakona o stečajnom postupku;
 - b) Prijedlog zakona o izmjenama i dopunama Zakona o izvršnom postupku;
 - c) Prijedlog zakona o autocesti na Koridoru Vc i amandmane Vlade Federacije BiH na Prijedlog zakona o autocesti na Koridoru Vc;
4. Informacija o održanoj Svečanosti u povodu obilježavanja 10 godina od osnivanja Udruženja poslodavaca u FBiH
5. Tekuća pitanja
 - a. Imenovanje člana Nadzornog tijela za praćenje implementacije Pravilnika o upravljanju ambalažom i ambalažnim otpadom
 - b. Imenovanje predstavnika UPFBiH za člana radne Grupe u Projektu "Reforma finansiranja visokog obrazovanja"

Dnevni red je usvojen u potpunosti.

RASPRAVLJANJE PO TAČKAMA DNEVNOG REDA:

Tačka 1 : Usvajanje zapisnika sa VII. proširene sjednice Upravnog odbora;

Predsjednik UO je upoznao prisutne sa zapisnikom i otvorio raspravu.

ZAKLJUČAK: Obzirom da nije bilo primjedbi zapisnik je jednoglasno usvojen.

Tačka 2. Informacija o pregovorima Zakona o radu;

Vežano za ovu tačku dnevnog reda gđin. Mladen Pandurević je obavijestio prisutne da je UPFBiH na osnovu pristiglih komentara i mišljenja uputilo 4. ključne primjedbe odnosno amandmane vežnau za članove 49., 71., 72. i 182. Nacrta Zakona o radu. Gđin. Pandurević je također istakao da je Sindikat bez obzira na zaključke sa posljednje sjednice ESV-a da se dostave tri ključne primjedbe ponovno otvorio pitanja o kojima se već postigla saglasnost. S tim u vezi predložio je da ukoliko Sindikat ne odustane od svojih amandmana da će Udruženje izaći sa novih 70 amandmana.

Gđin. Čengić je istakao da je Vlada donijela Odluku da tekst ide u parlamentarnu proceduru u postojećem obliku ukoliko socijalni partneri ne uspiju postignuti saglasnost.

U diskusiji su učestvovali svi prisutni. Nakon diskusije donešen je sljedeći:

ZAKLJUČAK: Zaključeno je da Udruženje poslodavaca treba da nastavi dalje lobiranje u parlamentu vežano za usvajanje Zakona u sadašnjem tekstu. Dalje delegacija UPFBiH u sastavu Gđin. Safudin Čengić, gđin. Midhat Terzić i gđin. Mladen Pandurević, uvažavajući interese Saveza samostalnih sindikata BiH će ipak nastaviti pregovore sa Sindikatom sa 4. Amandmana koji se odnose na član 49., 71., 72. i 182. Prijedloga Zakona o radu.

Tačka 3. Razmatranje materijala za 92-16. sjednicu ESV-a;

- a. Nacrt zakona o izmjenama i dopunama Zakona o stečajnom postupku;
- b. Prijedlog zakona o izmjenama i dopunama Zakona o izvršnom postupku;
- c. Prijedlog zakona o autocesti na Koridoru Vc i amandmane Vlade Federacije BiH na Prijedlog zakona o autocesti na Koridoru Vc;

Vežano za ovu tačku dnevnog reda gđin. Mladen Pandurević je ukratko izvjesti prisutne o Zakonima koji će se naći na dnevnom redu 92-16 sjednice ESV-a. gđin. Pandurević je istakao vežano za tačku c. Zakon o autocesti na koridoru Vc da ovaj Zakon treba podržati budući da je rješenjima iz ovog zakona dobar pokušaj Vlade da izuzme određene stvari iz nižih nivoa nadležnosti jer ima određenih problema da riješi pitanje imovinsko pravnih odnosa. Taj pokušaj treba pozdraviti i podržati.

Vežano za zakon o stečajnom postupku je istakao da je vrlo važan Zakon. Smatra da se ne treba ulaziti u preveliku raspravu ali generalna primjedba je da ne treba donositi Zakon o izmjenama i dopunama Zakona već da treba pripremiti novi Zakon. Ovaj Zakon je toliko preopširan, on mora biti operativan i mora biti jasan i precizan. Pogotovo je važno da se urade neki stvari kao što su rješene u susjednim zemljama npr. u Hrvatskoj predstečajni postupak. Ovo je jako važan Zakon i gđin. Pandurević smatra da prvo treba tražiti da se ide na donošenje novog

Zakona a ukoliko Vlada ne pristine da Zakon o izmjenama I dopunama Zakona o stečajnom postupku obavezno ide u dvomjesečnu javnu raspravu i onda da UPFBiH formira Radnu grupu koja će pripremiti kvalitetne primjedbe na pomenuti tekst.

Vezano za zakon o izvršnom postupku je pretrpio velike izmjene 45 amnadmana a nikako se nije dotakao stvari na kojima insistiraju poslodavci a to je pitanje ograničenja i nemogućnosti izvršenja pravosnažnih sudskih presuda na imovini države. UPFBiH mora na tome insistirati da se ovo pitanje riješi. Također je zamolio sve prisutne da dostave svoje primjedbe kako bi ih mogli uzeti u obzir rilikom odstavljanja konačnih primjedbi UPFBiH.

ZAKLJUČAK: Zaključeno je da stav delegacije poslodavaca ESV-a na 92-16 sjendici bude na bazi prijedloga gđina. Mladena Pandurevića i to:

Vezano za tačku c. Zakon o autocesti na koridoru Vc da UPFBiH ovaj Zakon treba podržati budući da je rješenjima iz ovog zakona dobar pokušaj Vlade da izuzme određene stvari iz nižih nivoa nadležnosti jer ima određenih problema da riješi pitanje imovinsko pravnih odnosa. Taj pokušaj treba pozdraviti I podržati.

Vezano za Zakon o stečajnom postupku delegacija UPFBiH u ESV-u treba istaći je istaći generalnu primjedbu a to je da ne treba donositi Zakon o izmjenama i dopunama Zakona već da treba pripremiti novi Zakon. Znači, prvo treba tražiti da se ide na donošenje novog Zakona a ukoliko Vlada ne pristine, zahtjevati da Zakon o izmjenama i dopunama Zakona o stečajnom postupku obavezno ide u dvomjesečnu javnu raspravu i onda da UPFBiH formira Radnu grupu koja će pripremiti kvalitetne primjedbe na pomenuti tekst.

Vezano za zakon o izvršnom postupku zaključeno je UPFBiH mora insistirati da se Zakonom riješi pitanje ograničenja i nemogućnosti izvršenja pravosnažnih sudskih presuda na imovini države.

Tačka 4. Informacija o održanoj Svečanosti u povodu obilježavanje 10 godina od osnivanja Udruženja poslodavaca u FBiH

Vezano za ovu tačke dnevnog reda predsjednik je zamolio gđina. Pandurevića da ukratko upozna prisutne sa Izvještajem sa održane Svečanosti. Gđin. Pandurević je ukratko izvjestio prisutne o održanoj svečanosti ističući da je Udruženje definitivno pokazalo snagu i organizovanost te sposobnost da adekvatno zastupa interese poslodavaca. Ako je i bilo sumnje u reprezentativnost UPFBiH i njegov društveni status, ona je otklonjena. Dalje je istakao, da je od strane učesnika i gostiju sama svečanost ocjenjena najvišom ocjenom i da je UPFBiH u cijelosti ispunilo ciljeve koje je imalo kada je donosilo odluku o organizaciji ovog događaja, a to su u prvom redu: promocija poslodavaca, promocija društveno odgovornog rada i filantropije, zahvalnost zaslužnim za osnivanje i razvoj udruženja i stvaranje adekvatne slike o poslodavcima u najširoj javnosti.

Vezano za ukupne troškove organizacije događja gđin. Pandurević je istakao da su ukupni troškovi bili 18. 242,00 KM a da je kroz sponzorstvo prikupljeno oko 9.500,00 KM. UO treba da se pobrine kako da prikupi ostala sredstva kako bi se mogli izmiriti troškovi napravljeni prilikom organizacije Svečanosti u povodu 10 godina rada UPFBiH.

Obzriom da nije bilo primjedbi na Izvještaj donesen je sljedeći:

ZAKLJUČAK: Prihvata se Informacija o Održanoj Svečanosti u povodu obilježavanje 10 godina od osnivanja Udruženja poslodavaca u F BiH uz obavezu da svi članovi UO trebaju učiniti napore te da pokušaju obezbijediti sredstva koja nedostaju za izmirenje troškova vezano za organizaciju događaja.

Tačka 5. Tekuća pitanja;

Pod Tekućim pitanjima raspravljalo se o:

- a. Imenovanje člana Nadzornog tijela za praćenje implementacije Pravilnika o upravljanju ambalažom i ambalažnim otpadom
- b. Imenovanje predstavnika UPFBiH za člana radne Grupe u Projektu "Reforma finansiranja visokog obrazovanja". Tekuća pitanja;

Nakon diskusije donesen je sljedeći:

ZAKLJUČAK: Na osnovu zahtjeva predstavnika Projekta za člana radne Grupe u Projektu "Reforma finansiranja visokog obrazovanja" UO je imenovao gđina. Hazima Zečevića.

Na osnovu zahtjeva Federalnog Ministarstva okoliša i turizma za člana Nadzornog tijela za praćenje implementacije Pravilnika o upravljanju ambalažom i ambalažnim otpadom imenovan je gđin. Edin Ibrahimpašić. Ukoliko bude potojao sukob interesa za člana navedenog Nadzornog tijela UO je kao alternativu imenovao gđina. Harisa Kuskunovića.

Sjednica je završena u 13:30 sati

Zapisnik sačinila:
Mersiha Jusić

Predsjednik UO UPFBiH
Safudin Čengić